

## **UGOVOR o nabavci usluge**

### **zaključen između:**

1. **Agencije za zaštitu ličnih podataka u Bosni i Hercegovini**, Dubrovačka broj 6, Sarajevo, koju zastupa direktor dr. Dragoljub Reljić (u daljem tekstu: Ugovorni organ), ID broj: 4201361110005 sa jedne strane, i
2. **Euroherc osiguranje d.d.**, ulica Trg međunarodnog prijateljstva broj 20, Sarajevo, koga zastupa Damir Hadžić (u daljem tekstu: Davalac usluge), ID broj: 4227015330006, sa druge strane.

### **Član 1.**

- (1) Predmet ovog Ugovora je nabavka usluge obaveznog, kasko osiguranja te osiguranja vozača i putnika službenih vozila za potrebe Ugovornog organa uz poštivanje svih normi kvantiteta i kvaliteta usluge.
- (2) Na osnovu provedenog postupka javne nabavke usluge putem direktnog sporazuma Ugovorni organ je Odlukom o izboru najpovoljnijeg ponuđača broj: UP1 08-16-19-13-6/25 od 03.07.2025. godine, ocijenio ponudu Davaoca usluge broj: 253031622 od 30.06.2025. godine prihvatljivom.

### **Član 2.**

Ugovorne strane su se sporazumjele da će, u periodu važenja ovog Ugovora, Davalac usluge izvršiti uslugu obaveznog i kasko osiguranja te osiguranja vozača i putnika službenih vozila Ugovornog organa i to WV Passat B8 2.0 TDI BMT Comfortline registarskih oznaka: E09-M-805, Opel Insignia, dizel registarske oznake: E47-T-068 i Citroena C3 registarskih oznaka: M76-A-985 za iznos od 3.146,90KM, u skladu sa Obrascem za cijenu ponude koji čini sastavni dio ovog Ugovora.

### **Član 3.**

Davalac usluge se obavezuje da će predmetnu nabavku izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

### **Član 4.**

- (1) Davalac usluge se obavezuje da će za svaku pojedinačno izvršenu uslugu dostaviti Ugovornom organu fakturu za izvršenu uslugu.
- (2) Ugovorni organ se obavezuje da će plaćanje vršiti u skladu sa trezorskim sistemom, žiralno u roku od 30 dana od dana dostavljanja fakture.

### **Član 5.**

- (1) Ovaj Ugovor se zaključuje na određen period, do izvršenja usluge.
- (2) Ovaj Ugovor stupa na snagu danom obostranog potpisivanja.

## Član 6.

U slučaju neispunjenja obaveza iz člana 1. ovog Ugovora, Ugovorni organ zadržava pravo jednostranog raskida ovog Ugovora, bez saglasnosti Davaoca usluge i bez posljedica za Ugovorni organ.

## Član 7.

Davaocu usluge se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, najmanje šest mjeseci od početka realizacije Ugovora.

## Član 8.

Sve eventualne nastale sporove pri realizaciji ovog Ugovora, Ugovorne strane će rješavati sporazumnim putem, u protivnom ugovara se nadležnost Općinskog suda u Sarajevu.

## Član 9.

Za sve što nije regulisano ovim Ugovorom, primjenjivat će se odredbe Zakona o obligacionim odnosima.

## Član 10.

Ovaj Ugovor je sačinjen u 5 (pet) istovjetnih primjeraka, od čega Ugovorni organ zadržava 3 (tri) primjerka a Davalac usluge 2 (dva) primjerka.



Broj: 253031850

Datum, 10.07.2025. godine

Broj: UP1 08-16-19-13-8/25

Datum, 07.07.2025 godine